



სამედიცინო

თბილისის სახელმწიფო სამედიცინო
 უნივერსიტეტის გამომცემი
გამოდის 1957 წლიდან
 №7 (315) სექტემბერი, 2018 წელი

გ ა ზ ე თ ი



თბილისის სახელმწიფო სამედიცინო უნივერსიტეტმა ავტორიზაცია უმაღლესი

საგანმანათლებლო დაწესებულებების ახალ სტანდარტებთან სრული შესაბამისობით გაიარა

2018 წლის 10 სექტემბერს ჩატარდა უმაღლესი საგანმანათლებლო დაწესებულებების ავტორიზაციის საბჭოს სხდომა. დღის წესრიგში იდგა თბილისის სახელმწიფო სამედიცინო უნივერსიტეტის ავტორიზაციის საკითხის და თბილისის სახელმწიფო სამედიცინო უნივერსიტეტის პროფესიული საგანმანათლებლო პროგრამების განხორციელების უფლებამოსილების მინიჭების საკითხის განხილვა. ავტორიზაციის საბჭომ, ექსპერტთა შეფასებების და უნივერსიტეტის არგუმენტირებული პოზიციის მოსმენის და განხილვის შემდგომ, ერთხმად მიიღო გადაწყვეტილება ავტორიზაციის მოთხოვნებთან თბილისის სახელმწიფო სამედიცინო უნივერსიტეტის სრული შესაბამისობის და ავტორიზაციის მინიჭების შესახებ მაქსიმალური შეფასებით, ასევე, დადებითად გადაწყდა პროფესიული საგანმანათლებლო პროგრამების განხორციელების უფლებამოსილების მინიჭების საკითხიც.


თბილისის სახელმწიფო სამედიცინო უნივერსიტეტი – კვლავს მაღალი დონის აკადემიური ხარისხის დამცემი

შეფასებისა და გამოცდების ეროვნული ცენტრის მიერ გამოქვეყნებული 2018 წლის ერთიანი ეროვნული გამოცდების მონაცემთა საფუძველზე ჩატარებული კვლევის შედეგად ჩარიცხული აბიტურიენტების საკონკურსო ქულების, როგორც საშუალო, ისე მაქსიმალური მაჩვენებლით, თბილისის სახელმწიფო სამედიცინო უნივერსიტეტი პირველ ადგილზე ყველა სამედიცინო მიმართულების პროგრამაზე (მედიცინა, სტომატოლოგია, სამოგადოებრივი ჯანდაცვა, ფიზიკური მედიცინის და რეაბილიტაციის, ფარმაციის, საექთნო საქმე), როგორც სამედიცინო პროფილის უმაღლეს სასწავლებლებში, ისე მრავალპროფილური უნივერსიტეტების სამედიცინო პროგრამებზე ჩარიცხულთა მონაცემების მიხედვით.

გასათვალისწინებელია, რომ თსსუ-ში მინიმალური კომპეტენციის ზღვარი წელს უპრეცედენტოდ მაღალი იყო: დიპლომირებული მედიკოსის პროგრამაზე - 70%+1 საბუნებისმეტყველო საგნებში (ბიოლოგია, ფიზიკა, ქიმია, მათემატიკა) და 65%+1 ქართულ ენასა და ლიტერატურაში, ზოგად უნარებსა და უცხოურ ენაში, ხოლო დიპლომირებული მედიკოსის ამერიკულ პროგრამაზე, დამატებით, 80%+1 – ინგლისურ ენაში. მიუხედავად ამისა, საკონკურსო მაჩვენებელი, პირველადი განაცხადების რაოდენობაზე დაყრდნობით, ერთ ვაკანტურ ადგილზე, ყველა გამოცხადებულ პროგრამაზე შეადგენდა 2.0595-ს. ამ მაჩვენებლით თსსუ ლიდერია საქართველოში აკრედიტებულ ყველა უმაღლეს სასწავლებელს შორის.

საქართველოში აკრედიტებული უმაღლესი სასწავლებლების სამედიცინო პროფილის მიმართულებებზე ჩარიცხულთა მაქსიმალური საკონკურსო ქულა - 2199,3 თსსუ-შია დაფიქსირებული.

კონკურსის შედეგები: უნივერსიტეტების რაწიერება ერთ ვაკანტურ ადგილზე პირველადი განაცხადების მიხედვით



გილოცავთ ახალი სასწავლო წლის დაწყებას!

ძვირფასო სტუდენტებო, კოლეგებო!

გილოცავთ ახალი სასწავლო წლის დაწყებას ყველას — თბილისის სახელმწიფო სამედიცინო უნივერსიტეტის სტუდენტებს და განსაკუთრებით პირველსემესტრელებს, აკადემიურ პერსონალს, საუნივერსიტეტო კლინიკების თანამშრომლებს, მკვლევარებს, ადმინისტრაციას!

ძვირფასო პირველსემესტრელებო, მადლობას გიხდით, რომ აირჩიეთ ჩვენი უნივერსიტეტი. თბილისის სახელმწიფო სამედიცინო უნივერსიტეტი ტრადიციულად, ყველაზე მოთხოვნილი უმაღლესი სამედიცინო სკოლა საქართველოში, მიუხედავად იმისა, რომ მინიმალური კომპეტენციის ზღვარი, რომელიც ჩვენს უნივერსიტეტში მოხვედრისათვის არის საჭირო, უპრეცედენტოდ მაღალია.

სტუდენტი - ჩვენი მთავარი პრიორიტეტი. ჩვენ ყველაფერს გვაკეთებთ თქვენი წარმატებული კარიერის უზრუნველყოფისთვის; აქ, უმდიდრეს ტრადიციებზე და გამოცდილებაზე დაყრდნობით, მიიღებთ ცოდნას, რაც მომავალში თქვენი წარმატებული პროფესიული საქმიანობისა და ნათელი მომავლისაკენ წარმატებული სვლის სანინდარი იქნება. თქვენთვის ეს ახალი ცხოვრების დასაწყისია და ამიტომაც მსურს, თბილისის სახელმწიფო სამედიცინო უნივერსიტეტის სახელით, განსაკუთრებით მოგესალმობთ და წარმატებები გისურვოთ ახალ სარბიელზე.

ახალი სასწავლო წლის დაწყებას ვულოცავთ უნივერსიტეტის პროფესორ-მასწავლებლებს, რომელთა თავდადება და ყოველდღიური შრომა ჩვენი უნივერსიტეტის მუდმივი წინსვლის საფუძველი იყო მუდამ და დარწმუნებული ვარ, ახალ სასწავლო წელსაც ჩვეული ერთგულებით და პასუხისმგებლობით მოემსახურებით საყვარელ საქმეს — მომავალი კადრების აღზრდას, მეცნიერების განვითარებას, პაციენტზე ზრუნვასა და წარმა-

ტებულ კლინიკურ საქმიანობას. ჩვენი საერთო პასუხისმგებლობა ძალიან დიდია, რადგანაც ადამიანის სიცოცხლეს ვემსახურებით, ამას კი მაღალი პროფესიონალიზმი და თავდაუზოგავი შრომა სჭირდება.

სასწავლო წლის დაწყებას ვულოცავ ჩვენს უცხოელ სტუდენტებს, რომელთა რიცხვმაც 2300-ს გადააჭარბა მსოფლიოს 68 ქვეყნიდან. დარწმუნებული ვარ, სამედიცინო უნივერსიტეტში მათ გულსხმიერი დამოკიდებულება და სწავლების მაღალი ხარისხი დახვდებათ.

თბილისის სახელმწიფო სამედიცინო უნივერსიტეტი უმაღლესი სამედიცინო განათლების ძირითადი კერაა საქართველოში, განვითარების თითქმის ასწლოვანი ისტორიით. ასეთივე ხანდაზმულობისა უმაღლესი სამედიცინო განათლება ჩვენს ქვეყანაში. მან თავისი საქმიანობით მყარი და გამოჩენილი ადგილი დაიმკვიდრა მსოფლიო სასწავლო-სამეცნიერო-პროფესიულ სივრცეში. სამედიცინო უნივერსიტეტს მჭიდრო კავშირი აქვს მსოფლიოს მრავალ სასწავლო, სამეცნიერო, კლინიკურ ცენტრთან. თბილისის სახელმწიფო სამედიცინო უნივერსიტეტის საერთაშორისო აღიარება და ინტერნაციონალიზაცია, რაც გლობალური ცვლილებების ეპოქაში უნივერსიტეტის მომავალი განვითარების აუცილებელი პირობაა, ჩვენი მუშაობის ერთ-ერთ მთავარ პრიორიტეტს წარმოადგენს. უნივერსიტეტის საერთაშორისო ავტორიტეტის ზრდა ჩვენი უმნიშვნელოვანესი მისიაა.

დიპლომამდელი, დიპლომის შემდგომი უწყვეტი პროფესიული განათლების, სამაგისტრო და სადოქტორო პროგრამების, უმაღლესი პროფესიული-საგანმანათლებლო პროგრამების წარმატებული მიმდინარეობა სამედიცინო უნივერსიტეტს მიმზიდველს ხდის, არა მარტო საქართველოს, არამედ, მსოფლიოს სხვადასხვა ქვეყნის ახალგაზრდებისთვის.

სამედიცინო განათლების მაღალი სტანდარტების რეალიზება სამედიცინო უნივერსიტეტში ტრადიციული საგანმანათლებლო პროგრამების წარმატებით განვითარებას უზრუნველყოფს. ჩვენს უცხოელ პარტნიორებთან ურთიერთობა, საკუთარი მრავალწლიანი აკადემიური გამოცდილება და ჯანდაცვის სისტემის თანამედროვე გამოწვევების ღირსეულად დაძლევის ამოცანა თამამი, ინოვაციური ნაბიჯების გადადგმისკენ გვიბიძგებს.

სამედიცინო უნივერსიტეტში წარმატებით ხორციელდება პროგრამა, რომელიც გულისხმობს აშშ-ის, ევროკავშირის ქვეყნების, დიდი ბრიტანეთის, თურქეთის და ისრაელის უნივერსიტეტების წამყვანი პროფესორების მოწვევას. ამ პროგრამის ფარგლებში, 2012 წლიდან დღემდე, სამედიცინო უნივერსიტეტში ლექციების წასაკითხად და სხვადასხვა ტიპის სამედიცინო აქტივობის, კონსულტაციების, ქირურგიული ოპერაციების ჩასატარებლად უცხოელ პროფესორთა 400-ზე მეტი ვიზიტი განხორციელდა.

ბოლო 6 წლის მანძილზე უნივერსიტეტს შეემატა ახალი ერთობლივი საერთაშორისო პროგრამები: დიპლომირებული მედიკოსის ამერიკული პროგრამა, რომელიც ემორის (ატლანტა, აშშ) უნივერსიტეტთან ერთად ხორციელდება; საზოგადოებრივი ჯანდაცვის და მენეჯმენტის საბაკალავრო და სამაგისტრო პროგრამები, სადაც ჩვენი პარტნიორები არიან პარიზის მენეჯმენტისა და აღსრულების აკადემია „უნიმენი“ და გერნობლის (საფრანგეთი) უნივერსიტეტი; ტიროლის კლინიკის გაერთიანების დასავლეთის საგანმანათლებლო ცენტრის – AZW და თბილისის სახელმწიფო სამედიცინო უნივერსიტეტის ერთობლივი საგანმანათლებლო პროგრამა ექთნებისთვის, რომელიც ქართ-

ველ ექთნებს საშუალებას აძლევს ევროპული სტანდარტების შესაბამისად დაეუფლონ პროფესიას, სტაჟირება გაიარონ და საერთაშორისო გამოცდილება მიიღონ ავსტრიის კლინიკებში.

ამჟამად თსუ-ის პარტნიორია 120-ზე უნივერსიტეტი და საუნივერსიტეტო კლინიკა მსოფლიოს 40-ზე მეტი ქვეყნიდან. მათთან თანამშრომლობა რეგულირდება ორმხრივი ხელშეკრულებებით და/ან ერთობლივი საერთაშორისო პროექტებით (ERASMUS+, MEVLANA, HORIZON 2020). ურთიერთთანამშრომლობის ხელშეკრულების ფარგლებში ყოველწლიურად უნივერსიტეტის 300-ზე მეტი სტუდენტი, აკადემიური და ადმინისტრაციული პერსონალი მონაწილეობს მოკლე თუ გრძელვადიან სტაჟირების პროგრამებში განათლების დიპლომამდელ, სამაგისტრო და სადოქტორო საფეხურებზე.

კლინიკური სექტორის, საუნივერსიტეტო კლინიკების განვითარება და აკადემიურ პროცესში მათი ორგანიზაციული ჩართვა 2009 წლის შემდგომ იყო და არის უნივერსიტეტის ხელმძღვანელობის, მისი თითოეული სტრუქტურული ერთეულის ზრუნვის და ინტერესის საგანი. თბილისის სახელმწიფო სამედიცინო უნივერსიტეტის პირველი საუნივერსიტეტო მრავალპროფილური კლინიკა, გივი ჟვანიას სახელობის პედიატრიის აკადემიური კლინიკა, სამ სტომატოლოგიურ კლინიკასა და უნივერსიტეტთან აფილირებულ ასზე მეტ სამედიცინო დაწესებულებასთან ერთად, სამედიცინო განათლების მაღალ სტანდარტს უზრუნველყოფს.

ჩვენ განსაკუთრებულ ყურადღებას ვაქცევთ და ყოველმხრივ ვცდილობთ გავაუმჯობესოთ



სასწავლო გარემო, საინფორმაციო და სასწავლო ტექნოლოგია, მატერიალურ-ტექნიკური ბაზა, ხელი შეუწყობს ფუნდამენტურ ბიოსამედიცინო მეცნიერებათა განვითარებას და კვლევას.

მნიშვნელოვანია, რომ ახლახან თბილისის სახელმწიფო სამედიცინო უნივერსიტეტმა წარმატებით გაიარა ავტორიზაცია უმაღლესი საგანმანათლებლო დაწესებულებების ახალ სტანდარტებთან სრული შესაბამისობით.

ახალი სასწავლო წლის დაწყებას ვულოცავ ჩვენს მრავალრიცხოვან გულშემატკივარსა და პარტნიორს, ვისაც წვლილი შეაქვს თბილისის სახელმწიფო სამედიცინო უნივერსიტეტის წინსვლასა და განვითარებაში.

თბილისის სახელმწიფო სამედიცინო უნივერსიტეტის სტუდენტები, პროფესორ-მასწავლებლები და ადმინისტრაცია ყველაფერს გვაკეთებთ მშობლიური უნივერსიტეტის მომავალი გამარჯვებებისთვის, ჩვენი ქვეყნის წინსვლისთვის.

**პროფესორი
ზურაბ ვადაჭკორია,
რექტორი**

თქვენ საუკეთესო უნივერსიტეტის სტუდენტები გახდით



მოგილოცავთ ახალი სასწავლო წლის დაწყებას და სიამაყით აღვნიშნავ, რომ ერთიანი ეროვნული გამოცდების ჩაბარების

შედეგად საუკეთესო აბიტურიენტების უმეტესობამ არჩევანი საუკეთესო უნივერსიტეტზე — თბილისის სახელმწიფო სამედი-

ცინო უნივერსიტეტზე გააკეთა. განსაკუთრებით მნიშვნელოვანია დღევანდელი დღე პირველსემესტრელებისთვის, რომლებმაც გრძელი და რთული გზა გაიარეს მიზნის მისაღწევად და გახდნენ საუკეთესო საუკეთესოთა შორის, რადგან განსაკუთრებული პატივი და პასუხისმგებლობა გერქვას თბილისის სახელმწიფო სამედიცინო უნივერსიტეტის სტუდენტს — სამედიცინო უნივერსიტეტში სწავლა ხომ უკვე მნიშვნელოვანი ნაბიჯია მომავალი წარმატებისკენ...

მინდა პირველსემესტრელებს ვუსურვო, რომ ჩვენი უნივერსიტეტის კედლებში გატარებული წლები საუკეთესო მოგონებად დარჩეთ სიცოცხლის

ბოლომდე. ვისურვებდი, რომ ყოველი მათგანი სამედიცინო საზოგადოების წარმატებული წევრი იყოს და ღირსეულად დაიმკვიდროს თავი პროფესიულ გარემოში. სხვანაირად არც შეიძლება მოხდეს, რადგან ეს არის უნივერსიტეტი, სადაც სიღრმისეულ ცოდნას ეზიარებით, სხვა თვალთ დაინახავთ ექიმის პროფესიის არსს, მეტს იმრომბით და შეიმეცნებთ, რაც თქვენი ოცნებების რეალიზებად ქცევის წინაპირობაა. თბილისის სახელმწიფო სამედიცინო უნივერსიტეტის სტუდენტური თვითმმართველობა კი თქვენ გვერდით იქნება მუდამ — ვეცდებით შეგიქმნათ მეგობრული, თავისუფალი, თანასწორი, საინტერესო და ხალი-

სიანი გარემო, რათა სტუდენტურ წლებს ლამაზი შტრიხები შემატოთ.

სტუდენტური თვითმმართველობა აფერადებს ყოველდღიურ რუტინას შემოქმედებითი საღამოებით, წვეულებებით, ექსკურსიებით, ინტელექტუალური თამაშებით, შემეცნებითი და ინოვაციური პროექტებითა და კონფერენციებით. თვითმმართველობის კარი ღია ყველა სტუდენტისთვის და იმედი გვაქვს, რომ ერთად საუკეთესო წლებს გავატარებთ...

**გიორგი შიქაძე,
თსუ-ის სტუდენტური
თვითმმართველობის
პრეზიდენტი**

საუნივერსიტეტო ცხოვრების ქრონიკა



ჩვენი არჩევანი



ძვირფასო პირველმედიკოსებო, მინდა მოგილოცოთ ეროვნულ გამოცდებზე მოპოვებული გამარჯვება და თბილისის სახელმწიფო სამედიცინო უნივერსიტეტის მედიცინის ფაკულტეტზე ჩარიცხვა. თქვენ საუკეთესო არ-

ისწავლო მედიცინის ფაკულტეტზე - ეს უკვე პრივილეგიებული პოზიციაა, რაც ასევე ნიშნავს, ყოველდღიურად იყო ჩაბმული სწავლის მართაობაში, რათა ჩამოყალიბდეთ მომზადებულ, კვალიფიციურ, კონკურენტუნარიანი ექიმად და მკვლევრად; პიროვნებად, რომელიც ყველაფერს გააკეთებს პაციენტის სიცოცხლისა და ჯანმრთელობის გადარჩენად, მუდმივად ზრუნავს მოსახლეობის ჯანმრთელობაზე.



მე, როგორც ფაკულტეტის დეკანი, ვამაყობ იმით, რომ საშუალება გვაქვს შემოგთავაზოთ საუკეთესო საგანმანათლებლო პროგრამები. უნივერსიტეტში თქვენ დაგხვდებათ უმაღლესი დონის აკადემიური პერსონალი, ისარგებლებთ კოლეგიალობის ატმოსფეროთი ერთმანეთთან, პროფესორ-მასწავლებლებთან, ადმინისტრაციასთან. სწავლის პერიოდში საშუალება გექნებათ, გაიაროთ სტაჟირება ჩვენი უნივერსიტეტისა და მსოფლიოს წამყვანი სამედიცინო სკოლების

ჩვენი გააკეთეთ! დიდად ვაფასებ თქვენს გადამწყვეტილებას ამ ურთულესი, მაგრამ მეტად ჰუმანური და საინტერესო პროფესიის არჩევის გამო. თქვენ აირჩიეთ ექვსწლიანი რთული გზის გავლა კავკასიის რეგიონში ერთ-ერთ ყველაზე გამორჩეულ საგანმანათლებლო ცენტრში. თქვენ მოხვდით გარემოში, სადაც გამოცდილი, მაღალკვალიფიციური პროფესორ-მასწავლებლები დაგეხმარებიან მყარი და საფუძვლიანი ცოდნის შექმნაში.

ნებათ, გაიაროთ სტაჟირება ჩვენი უნივერსიტეტისა და მსოფლიოს წამყვანი სამედიცინო სკოლების



კლინიკებში. უნივერსიტეტი, გარდა სწავლისა, მრავალფეროვან სტუდენტურ ცხოვრებასაც შემოგთავაზობს. მეჯერა, რომ თქვენ შეგიძლიათ, შემატოთ რაღაც ახალი, საინტერესო და მრავალფეროვანი ჩვენს უმაღლეს სასწავლებელს.

ნარმატებულად ნარმოაჩინეთ ქართული სამედიცინო სკოლის სახელს.

პროფესორი თინათინ ჩიქოვანი, მადიციის ფაკულტეტის დეკანი

სახეივანი ცხოვრების ქრონიკა



ნარმატების სწავლა



სტომატოლოგიის ფაკულტეტი ერთ-ერთი ყველაზე პოპულარული და ნარმატებულია თბილისის სახელმწიფო სამედიცინო უნივერსიტეტში. ვიმედოვნებ, რომ ჩვენს ფაკულტეტს თქვენი სახით კიდევ ერთი ლირსეული თაობა შეემატა. ჩვენც მზად ვართ შესაბამისად ვუპასუხოთ თქვენს მოთხოვნებს ცოდნის შეძენასთან დაკავშირებით.

ნივერსიტეტო კლინიკები, სადაც სტუდენტებთან პრაქტიკული მეცადინეობა მიმდინარეობს პაციენტების დემონსტრირებით და დიაგნოსტიკისა და მკურნალობის პროცესში მათი მასპინძელი ჩართულობით.

2010 წლიდან თბილისის სახელმწიფო სამედიცინო უნივერსიტეტში, პირველად სტომატოლოგიის ფაკულტეტზე, დაინერგა ობიექტურად სტრუქტურირებული კლინიკური გამოცდა - OSCE, სადაც ფასდება არა მხოლოდ თეორიული ცოდნა, არამედ სტუდენტის მიერ სწავლის პერიოდში ათვისებული პრაქტიკული უნარ-ჩვევები.



თბილისის სახელმწიფო სამედიცინო უნივერსიტეტში სისტემატურად ჩამოიდან პროფესორები მსოფლიოს სხვადასხვა ქვეყნიდან (გერმანია, დიდი ბრიტანეთი, ბრაზილია, ჩეხეთი, უკრაინა, ლიტვა და ა.შ.), რომლებიც სტომატოლოგიის ფაკულტეტის სტუდენტებისთვის კითხულობენ ლექციებს.

თქვენ მიერ არჩეული ფაკულტეტი გამორჩეულია საამაყო ტრადიციებით. როგორც მრავალწლიანმა გამოცდილებამ ცხადყო, ექიმი სტომატოლოგის ჩამოსაყალიბებლად გადამწყვეტი მნიშვნელობა ენიჭება კლინიკურ ბაზებს. უნივერსიტეტის ხელმძღვანელობა ძალ-ღონეს არ იშურებს სასწავლო პროცესში თანამედროვე სტანდარტებით აღჭურვილი ძლიერი და გამართული კლინიკური ბაზების ჩასართავად. სწორედ ამის დასტურია მაღალპროფესიული კადრებით დაკომპლექტებული საუ-

კურსელებო, ჩვენ ერთ მიზანს ვემსახურებით: თბილისის სახელმწიფო სამედიცინო უნივერსიტეტის სტომატოლოგიის ფაკულტეტის კურსდამთავრებული იყოს კონკურენტუნარიანი სპეციალისტი, აღჭურვილი ღრმა თეორიული ცოდნით და პრაქტიკული უნარებით, რაც საექიმო საქმიანობაში მისი ნარმატების საწინდარი იქნება.

პროფესორი სამსონ მღაზარიშვილი, სტომატოლოგიის ფაკულტეტის დეკანი



გიდოსავთ მნიშვნელოვან წარმატებას



გულწრფელად მიხარია, რომ საშუალება მომეცა, საჯაროდ გამოვხატო ჩვენი საერთო სიხარული, მოგილოცოთ მნიშვნელოვანი წარმატება — თბილისის სახელმწიფო სამედიცინო უნივერსიტეტის სტუდენტობა. მინდა გადმოგცეთ პირადად ჩემი და ფაკულტეტის აკადემიური პერსონალის თითოეული წევრის საუკეთესო სურვილები. მცირე მოცულობის წერილში ძნელია ჯეროვნად და სრულყოფილად წარმოაჩინო ის სპეციფიკა თუ წარმატებები, რაც საზოგადოებრივი ჯანდაცვის ფაკულტეტს გააჩნია არსებობის მანძილზე.

ფაკულტეტის არსებობა რვა ათეულ წელზე მეტს ითვლის. ამ ხნის განმავლობაში მომზადდა მრავალი მეცნიერი და სპეციალისტი, რომლებმაც მნიშვნელოვანი წვლილი შეიტანეს ქვეყნის ჯანდაცვის სისტემის ჩამოყალიბებასა და განვითარებაში. მათი წარმატებული მოღვაწეობის შედეგად საქართველოში პრაქტიკულად ლიკვიდირებულია ისეთი დაავადებები (მათ შორის, — დიფთერია, პოლიომიელიტი, მალარია და სხვა), რომლებიც დღესაც პრობლემად რჩება მსოფლიოს ბევრ ქვეყანაში.

ფაკულტეტის ძირითადი ამოცანაა სათანადო კომპეტენციის ბაკალავრების, მაგისტრების, დოქტორების მომზადება, რომლებსაც ექნებათ პროფესიული დახელოვნებისა და ჯანდაცვის სფეროში შესაბამისი ფუნქციის სათანადოდ შესრულების შესაძლებლობა.

კურსდამთავრებულთა დასაქმების სფეროს წარმოადგენს საზოგადოებრივი ჯანმრთელობის დაცვის უზრუნველყოფის სამსახურები, მათ შორის, დაავადებათა კონტროლისა და საზოგადოებრივი ჯანმრთელობის ეროვნული ცენტრი, გარემოს დაცვისა და სოფლის მეურნეობის სამინისტროს სურსათის ეროვნული სააგენტო, საკუთრების სხვადასხვა ფორმის სამკურნალო-პროფილაქტიკური, სამეცნიერო-კვლევითი და სამრეწველო დაწესებულებები და ორგანიზაციები, რომელთა საქმიანობა დაკავშირებულია მოსახლეობის ჯანმრთელობის დაცვასთან, მათ მომსახურებასთან, მენეჯმენტსა და პროფილაქტიკური ღონისძიებების გატარებასთან.

ბაკალავრებს შეუძლიათ აკადემიური განათლება გაიღმონ სამაგისტრო პროგრამებზე. დღეისათვის ფაკულტეტზე აკრედიტებულია 5 სამაგისტრო პროგრამა: „საზოგადოებრივი ჯანდაცვა“, „ეპიდემიოლოგია და გარემოს მედიცინა“, „ჯანმრთელობის ხელშეწყობა, ჯანმრთელობითი განათლება“, „ჯანდაცვის ადმინისტრირება და მენეჯმენტი“, „საზოგადოებრივი ჯანმრთელობის მენეჯმენტი და ჯანდაცვის პოლიტიკა (თსსუ-ისა და უნიმენის (საფრანგეთი) ერთობლივი პროგრამა)“. იგეგმება ახალი სამაგისტრო პროგრამების ამოქმედებაც.

სამაგისტრო პროგრამის დასრულების შემდეგ კურსდამთავრებულს ენიჭება მაგისტრის აკადემიური ხარისხი შესაბამის მიმართულებაში და უფლება აქვს სწავლა გააგრძელოს დოქტორანტურაში, ხოლო დოქტორის აკადემიური ხარისხის მოპოვების შემდეგ, პრაქტიკული საქმიანობის გარდა, შეუძლია ჩაერთოს აკადემიურ და კვლევით აქტივობაში. საზოგადოებრივი ჯანდაცვის ფაკულტეტზე ინტენსიურად მიმდინარეობს სამეცნიერო-კვლევითი საქმიანობა, რომელშიც, აკადემიურ პერსონალთან ერთად, აქტიურად მონაწილეობენ სტუდენტებიც. დარწმუნებული ვარ, ფაკულტეტის აკადემიურ პერსონალთან, პროფესორ-მასწავლებლებთან თქვენი ყოველი შეხვედრა იქნება გულთბილი, დაუფინყარი, ნამდვილი დღესასწაული. ყოველთვის მომდომარე, კეთილმოსურნენი შეაბიჯებთ უნივერსიტეტის აუდიტორიუმში, სადაც დაგხვდებიან დიდი გამოცდილების, ერუდიციისა და დახმარებისთვის მზადყოფი პედაგოგები. ყოველივე ეს კი იქნება ნებისმიერი საკითხის წარმატებით გადაწყვეტის საწინდარი.

გულითადად გილოცავთ მნიშვნელოვან და თვალსაჩინო წარმატებას. იმედი მაქვს, რომ სწავლის დასრულების შემდეგ, თითოეული თქვენგანი, როგორც ღირსეული მოქალაქე, მეცნიერი და კვალიფიციური სპეციალისტი, კუთვნილ წვლილს შეიტანს დარგისა და ქვეყნის განვითარების ფრიად მნიშვნელოვან საქმეში.

პროფესორი ირაკლი მჭედლიძე, საზოგადოებრივი ჯანდაცვის ფაკულტეტის დეკანი

მომავლის პროფესია



ჩვენო პირველემესტრელებო, მინდა მოგილოცოთ თბილისის სახელმწიფო სამედიცინო უნივერსიტეტის სტუდენტობა და გითხრათ, რომ, იყო ფარმაციის ფაკულტეტის სტუდენტი, დიდი წარმატება და, ამასთანავე, დიდი პასუხისმგებლობაცაა, ვინაიდან ამ არჩევანით თქვენი

შეგეძლებათ, დასაქმდეთ პრაქტიკულ ფარმაციაში ან ცოდნა გაიღრმავოთ მაგისტრატურაში ვინრო სპეციალობების მიხედვით. ფაკულტეტზე ფუნქციონირებს 5 სამაგისტრო პროგრამა: „ფარმაციის მენეჯმენტი“, „სამრეწველო ფარმაცია“, „ფარმაცევტული ანალიზი“,



„ფარმაცევტული კოსმეტოლოგია და პარფიუმერია“, „კლინიკური ფარმაცია“.

მაგისტრატურის დასრულების შემდეგ, პრაქტიკულ საქმიანობასთან ერთად, სპეციალობის მიხედვით, შესაძლებელია სწავლის გაგრძელება დოქტორანტურაში, რაც დაგეხმარებათ აკადემიური და სამეცნიერო-კვლევითი უნარების გაღრმავებაში.

მომავალი საქმიანობა დაუკავშირეთ საზოგადოებრივი ჯანდაცვის სასიცოცხლოდ აუცილებელი ბიოლოგიური ღირებულების პროდუქტს — ნამალს.

ფარმაცია დინამიკური, სწრაფად ცვალებადი, მომავლის ტექნოლოგიებზე დაფუძნებული დარგია, ამიტომ ძალიან მნიშვნელოვანია თანამედროვე მოთხოვნების შესაბამისი კომპეტენციის მქონე, კონკურენტუნარიანი სპეციალისტების აღზრდა. სწორედ აღნიშნულის გათვალისწინებითაა შედგენილი ფარმაციის საბაკალავრო, სამაგისტრო და სადოქტორო პროგრამები, რომელთა განხორციელებაშიც მონაწილეობენ შესაბამისი კვალიფიკაციისა და კომპეტენციის მქონე პროფესორები, რომლებიც არ დაიშურებენ თავიანთ ცოდნასა და გამოცდილებას იმისთვის, რომ თქვენ შეიძინოთ ცოდნა და პრაქტიკული უნარ-ჩვევები და ჩამოყალიბდეთ მაღალკვალიფიციურ სპეციალისტებად.

სწავლის მთელი პერიოდის განმავლობაში შეგიძლიათ სტაჟირება გაიაროთ აფთიკაში და იმუშაოთ ფარმაცევტის თანაშემწის პოზიციაზე, ასევე ჩაერთოთ უნივერსიტეტის აქტიურ სტუდენტურ ცხოვრებაში და გამოავლინოთ თქვენი შესაძლებლობები.



კიდევ ერთხელ გილოცავთ და წარმატებებს გისურვებთ!

პროფესორი დალი ბარაშვილი, ფარმაციის ფაკულტეტის დეკანი

ბაკალავრიატის დასრულების შემდეგ

სახეივერსიფიკაციო ცხოვრების ქრონიკა



წარმატებული არჩევანი



პრაქტიკას, დაე-
უფლებით თანა-
მედროვე სარეაბი-
ლიტაციო მეთო-
დებს და ტექნო-
ლოგიებს. ფაკულ-
ტეტის აკადემიური
პერსონალი დაგე-
მარებათ თქვენი
ინტელექტუალური
შესაძლებლობე-
ბის რეალიზებაში,
უახლესი ცოდ-
ნის, პრაქტიკული
უნარ-ჩვევების და
გამოცდილების
შეძენაში, რაც მე-
ტად მნიშვნელოვან-
ია პროფესიული
კარიერის განმავ-
ლობაში, მეცნიერ-
ულად დასაბუთებ-
ული მეთოდების
და ტექნოლოგიე-
ბის გამოყენებით,

კულტეტის კლინიკური ბაზების
თანამედროვე სტანდარტებით
აღჭურვასა და გაძლიერებაზე.
მომავალ პროფესიას დაეუფლე-
ბით უნივერსიტეტის სხვადასხვა
თეორიულ თუ კლინიკურ დეპარ-
ტამენტში, თსუ-ის საუნივერ-
სიტეტო და უნივერსიტეტთან
აფილირებულ კლინიკებში, სა-
დაც ყველა პირობაა შექმნილი
აკადემიური პროცესის სრულ-
ყოფილად განხორციელებისთ-
ვის, ისევე როგორც ნაყოფიერი
სამეცნიერო და კლინიკური მუ-
შაობისთვის.

ფიზიკური მედიცინის და რე-
აბილიტაციის ფაკულტეტს აქვს
მჭიდრო კავშირი აშშ-ის უნივერ-
სიტეტებთან. ჩვენს ფაკულტეტ-
ზე სისტემატურ ხასიათს ატა-
რებს ამერიკელი პროფესორების
ვიზიტები და ლექცია-სემინარე-
ბი, ერთობლივი ტელეხიდეები და
კონფერენციები. ამასთანავე,
ამერიკელი პროფესორები მონ-
ვეული და აქტიურად ჩართულნი
არიან უნივერსიტეტის ფიზიკუ-

ძვირფასო პირველსემესტ-
რელებო, მაქვს პატივი მოგილო-
ცოთ თქვენი ცხოვრების ახალი,
განსაკუთრებული ეტაპის დაწყე-
ბა. თქვენ აირჩიეთ უმნიშვნელო-
ვანესი, რთული და დინამიკური
სამედიცინო დარგი, რომლის მი-
ზანია ორგანიზმის ნებისმიერი
სისტემის დაავადებით ან დაზი-
ანებით განპირობებული უნარ-
შეზღუდულობის მკურნალობა,
ფუნქციის აღდგენა და ცხოვრე-
ბის ხარისხის გაუმჯობესება.

რთული კლინიკური პრობლემის
ეფექტურად გადაწყვეტის პრო-
ცესში.

თქვენ შეიძენთ სა-
მეცნიერო კვლევის
უნარ-ჩვევებს და ჩაერ-
თებით სტრუქტურული
სამეცნიერო პროექტე-
ბის განხორციელებაში.

თქვენ დაეუფლე-
ბით გუნდური მუშაობის
პრინციპებს. თანამედ-
როვე ჯანდაცვა სულ
უფრო მეტად ემყარება
მედიცინის სხვადასხვა
სფეროს წარმომადგე-
ნელთა თანამშრომლო-
ბას და გუნდურ მუშაო-
ბას უსაფრთხო მართვის
და საუკეთესო შედეგის
მისაღწევად. თქვენ გახ-
დებით კომპეტენტურ
და კრეატიულ პროფესი-
ონალთა მულტიდისციპ-
ლინური გუნდის წევრი
და იმოქმედებთ დინამი-
კურ სამედიცინო გარე-
მოში.

უნივერსიტეტის ხელმძღვა-
ნელობა მუდმივად ზრუნავს ფა-



რი მედიცინის დეპარტამენტის
აკადემიურ პროცესში.

მეგერა, მომავალი ოთხი
წლის განმავლობაში, ცოდ-
ნის გაღრმავებასთან ერთად,
გაძლიერდება თქვენი თანად-
გომა და პასუხისმგებლობის
გრძნობა პაციენტის ჯანმრ-
თელობაზე. დარწმუნებული
ვარ, თქვენ შორის იქნება ბევ-
რი წარმატებული რეაბილი-
ტოლოგი, რაც მტკიცე საფუძ-
ველს შექმნის დარგის განვი-
თარებისთვის.

კიდევ ერთხელ გილოცავთ
და გისურვებთ წარმატებებს!

**პროფესორი
ლელა მასხულია,
ფიზიკური მედიცინის
და რეაბილიტაციის
ფაკულტეტის დეკანი**

მისურვებთ პროფესიულ ზრდას და წინსვლას



სამედიცინო სფეროში მიმდინა-
რე ფუნდამენტურმა ცვლილებებმა
და ჯანმრთელობის პრობლემების
კომპლექსურობამ შეცვალა ექთ-
ნის/ბებიაქალის როლი თანამედ-
როვე ცხოვრებაში. ამი-
ტომაც, განსხვავებული
გამონვევები წარმოიშ-
ვა მათი პროფესიული
მზადების თვალსაზ-
რისით. თანამედროვე
საექთნო საქმე მეცნი-
ერება და ხელოვნებაა.
ის მოითხოვს კვლევაზე
დაფუძნებულ პრაქტი-
კის წარმოებას; ჰუმან-
იზმით, ფიზიკური,
ბიოლოგიური, ქცევითი
მეცნიერებების მომც-
ველ სპეციფიკურ საექ-
თნო ცოდნას და უნარ-
ჩვევებს, მენეჯმენტის,
ლიდერობის და პედა-
გოგიკის ბაზისურ ელემენტებს.
საქართველოში რეგისტრირებულ
ერთ ექთანზე საშუალოდ, 1,3 ექი-
მი მოდის, რაც ექთნების საკმაოდ
დიდი დეფიციტის მაჩვენებელია.
გლობალური ტენდენციის გამო
სამედიცინო პერსონალზე, განსა-
კუთრებით კი ექთნებზე, მოთხოვნა
მუდმივად გადააჭარბებს მიწოდ-
ებას, რაც განპირობებულია სამე-
დიცინო სერვისის მრავალფეროვ-
ნებით, ამბულატორიული მოვლის
საჭიროების გაზრდით და შინმოვ-
ლის სერვისის განვითარებით. ყო-
ველივე ეს თქვენს პროფესიას ხდის
მოთხოვნადს და პერსპექტიულს.
საქეიმო საქმიანობა წარმოუდგე-

ნელია კომპეტენტური ექთნის/
ბებიაქალის გარეშე. საუნივერსი-
ტეტო განათლება გაძლევთ საშუ-
ალებას იყოთ წარმატებულნი და
კონკურენტუნარიანი.




კურსდამთავრებულს შეუძლია
დასაქმდეს სხვადასხვა დონის დი-
აგნოსტიკურ, სამკურნალო, პრო-
ფილაქტიკურ, რეპროდუქციული
ჯანმრთელობის და სარეაბილიტა-
ციო დაწესებულებაში. საბაკალავ-
რო პროგრამის კურსდამთავრე-
ბულს შეუძლია სწავლა გააგრძე-
ლოს მაგისტრატურაში.

თქვენ სწორი არჩევანი გაა-
კეთეთ. გისურვებთ პროფესიულ
ზრდას და დიდ წინსვლას საექთნო
საქმიანობაში.

**მელა ჯღარაკაძე,
პროფესორი პროგრამის
კოორდინატორი**



საუნივერსიტეტო ცხოვრების ქრონიკა



დიპლომირებული მედიკოსის აბიტიური პროგრამა ბიღოჯავით სტუდენტობას!

თბილისის სახელმწიფო სამედიცინო უნივერსიტეტში, ტრადიციულად, ინოვაციური და წარმატებული პროექტები ხორციელდება. 2013-2014 სასწავლო წელს მედიცინის ფაკულტეტზე მნიშვნელოვან საგანმანათლებლო პროგრამას ჩაეყარა საფუძველი — წარმატებით დაინერგა დიპლომირებული მედიკოსის ამერიკული პროგრამა, რომელიც ემორის უნივერსიტეტის (აშშ, ატლანტა) მედიცინის სკოლასთან (ESOM) ერთად შემუშავდა.

პროგრამის დაგეგმვასა და იმპლემენტაციაში აქტიურად არიან ჩართულნი ემორის უნივერსიტეტის პროფესორები და ადმინისტრაციის წარმომადგენლები: ემორის სამედიცინო სკოლის დეკანი ვიკას სუხათმი, ვიცე-დეკანი სამედიცინო განათლების სფეროში, სამედიცინო მიკრობიოლოგიისა და იმუნოლოგიის პროფესორი გორდონ ჩერჩორდი, «გახდი ექიმის» კურსის ხელმძღვანელი, ონკოლოგიის პროფესორი მერი ჯო ლეკოვიჩი და სხვები. ისინი ხშირად სტუმრობენ და მუშაობენ უნივერსიტეტის აკადემიურ პერსონალსა და სტუდენტებთან.

ორმხრივი ურთიერთობის ფარგლებში, პროგრამის სპეციფიკის ადგილზე გასაცნობად და შესაბამისი მეთოდოლოგიის ასათვისებლად, ხორციელდება პროგრამაში ჩართული აკადემიური პერსონალის ემორის მედიცინის სკოლაში ვიზიტი.

სწავლის დასრულების შემდეგ კურსდამთავრებულს მიენიჭება დიპლომირებული მედიკოსის აკადემიური ხარისხი (MD). წარჩინებულ სტუდენტებს საშუალება ეძლევათ სწავლის, კვლევისა და პრაქტიკული საქმიანობის გარკვეული ეტაპები გაიარონ ემორის უნივერსიტეტში.

აღსანიშნავია, რომ თბილისის სახელმწიფო სამედიცინო უნივერსიტეტის კურსდამთავრებულებს ყოველთვის ჰქონდათ აშშ-ის და სხვა საერთაშორისო სალიცენზიო გამოცდების ჩაბარების შესაძლებლობა, თუმცა, საამისოდ ისინი დამატებით მომზადებას საჭიროებდნენ. დიპლომირებული მედიკოსის ამერიკულ პროგრამაში კი სალიცენზიო გამოცდებისთვის მზადება და მათი ჩაბარება თავიდანვე განსაზღვრული და ხელშეწყობილია. სწავლის პერიოდშივე ამერიკის შეერთებული შტატების სამედიცინო სალიცენზიო გამოცდების (United State Medical Licencing Examination – USMLE) წარმატებით ჩაბარება დიპლომირებულ მედიკოსს საშუალებას აძლევს, დიპლომისშემდეგ განათლება და სპეციალური პროფესიული მზადება გაიაროს როგორც საქართველოში, ისე მის საზღვრებს გარეთ (მათ შორის, აშშ-ში).



ტაშვილმა, სოფო გოგიამ, ნიკოლოზ თავბერიძემ, აჯაი პრანაი შაჰმა, თამარ პაპიძემ, ნიკოლოზ ქარაზანაშვილმა და ლეონ მარტის ნიგელმა – USMLE -ის პირველ გამოცდაზე მაღალი ქულები მოიპოვეს. ამასთან, ნოდარ მაისურაძემ წარმატებით ჩააბარა USMLE-ის მეორე საფეხურის პირველი ნაწილიც. წარმატებული შედეგი თბილისის სახელმწიფო სამედიცინო უნივერსიტეტის აღნიშნულ სტუდენტებს, დიპლომირებული მედიკოსის ამერიკული პროგრამის დასრულების შემდეგ, არჩეული სპეციალობით აშშ-ში რეზიდენტურაში სწავლის გაგრძელებაში დაეხმარება. ჩვენმა სტუდენტებმა USMLE -ის პირველი და მეორე გამოცდის პირველი ნაწილის ჩაბარებით და მაჩვენებლით დაამტკიცეს, რომ თბილისის სახელმწიფო სამედიცინო უნივერსიტეტის დიპლომირებული მედიკოსის ამერიკული პროგრამა შესანიშნავად ამზადებს სტუდენტებს ამერიკის შეერთებული შტატების სამედიცინო სალიცენზიო გამოცდის წარმოდგენილი შედეგების მიხედვით. თსუ და ემორის უნივერსიტეტის მედიცინის სკოლა ამავობს მიღწეული შედეგით!

პროგრამა ითვალისწინებს სამედიცინო საბაზისო, პრეკლინიკური და კლინიკური დისციპლინების სრულ ინტეგრაციას. ასეთი სახის სწავლებას აქვს სხვადასხვა სარგებელი: ერთი მხრივ, საბაზისო საგნები ისწავლება კლინიკურ დისციპლინებთან ერთად, რაც სტუდენტს აძლევს მოტივაციას ბაზისური მედიცინის შესწავლისთვის. ინტეგრირებული სწავლების ერთ-ერთი მახასიათებელია საბაზისო საგნების შესწავლისას კლინიკური შემთხვევების (პაციენტის, სიმულირებული პაციენტის და კლინიკური შემთხვევის) ე.წ. ქეისის სახით უხვად დემონსტრირება. სწავლების პროცესში აქტიურად გამოიყენება თანამედ-

ლების ერთ-ერთი ძირითადი მიზანია სტუდენტის მიერ დამოუკიდებელი სწავლებისა და აზროვნების უნარ-ჩვევების განვითარება, რაც კურსდამთავრებულს ძალზე გამოადგება დიპლომისშემდგომ პერიოდში მთელი სიცოცხლის მანძილზე. საქართველოსთვის ინოვაციური კლინიკური სწავლების - „კლერკშიფის“ ამერიკული მოდელის დანერგვა დიპლომირებული მედიკოსის ამერიკულ პროგრამაში 2016-2017 სასწავლო წლიდან დაიწყო.

სტუდენტები, სწავლის პირველ ეტაპზე, ბაზისურ ბიოსამედიცინო საგნებთან ერთად, შეისწავლიან ჰუმანიტარულ მეც-

ნობს. ალოდ გაცნობის მიზნით, ყოველწლიურად ემორის პროგრამის 20-40-მდე სტუდენტი სტუმრობს. აღნიშნული პროგრამა ტრადიციულად იქცა და ემორის წელს სტუდენტთა მეექვსე-მეშვიდე ნაკადს უმასპინძლებს.

ძალიან სასიხარულოა, რომ თსუ-სა და ემორის სამედიცინო სკოლას შორის დადებული ორმხრივი შეთანხმება ითვალისწინებს კლინიკური სწავლების წლებში ჩვენი სტუდენტებისთვის ემორში კლინიკური როტაციების გავლის საშუალებას. გარდა ამისა, შეთანხმება საშუალებას აძლევს ემორის უნივერსიტეტის სამედიცინო სკოლის სტუდენტს კლინიკური როტაცია გაიაროს არა მხოლოდ ემორის უნივერსიტეტში, არამედ მის პარტნიორ უნივერსიტეტებში.

კვლევითი კომპონენტი აღნიშნული პროგრამის ერთ-ერთი მნიშვნელოვანი რგოლია. აღსანიშნავია, რომ 2016 წლის გაზაფხულზე თბილისის სახელმწიფო სამედიცინო უნივერსიტეტსა და აშშ-ის ვოლტერ რიდის არმიის კვლევითი ინსტიტუტის (WRAIR) საქართველოს წარმომადგენლებს შორის გაფორმდა მემორანდუმი. ზემოხსენებული დანერგვები განთავსებულია რიჩარდ ლუგარის სახელობის საზოგადოებრივი ჯანდაცვის ცენტრალური რეფერალური ლაბორატორიის ცენტრში. პროექტის ფარგლებში განხორციელებული თანამშრომლობით ვოლტერ რიდის არმიის კვლევითი ინსტიტუტი მნიშვნელოვან წვლილს შეიტანს ქართული სამედიცინო განათლების და სამეცნიერო კადრების მომზადების საქმეში, უპირველესად, ამერიკული პროგრამის ფარგლებში.



ნერებებს, როგორცაა: სოციალურ-კულტურული და სამედიცინო ანთროპოლოგია, ცივილიზაციების ისტორია, ხელოვნების ისტორია, ფილოსოფია, ფსიქოლოგია, მსოფლიო ლიტერატურა - ეს სასწავლო კურსები ამდიდრებს სტუდენტის ცოდნას და აძლევს მას მრავალმხრივ განათლებას. გარდა ამისა, ამერიკული პროგრამის კურიკულუმი მოიცავს მეტად საინტერესო სასწავლო კურსს - „გახდი ექიმი“ (Becoming a Doctor), რომელიც წლის მანძილზე თან სდევს კურიკულუმს და სტუდენტებს სწავლების პირველივე წლიდან ამზადებს კლინიკური პრაქტიკისთვის; კურსი ითვალისწინებს კლინიკურ გარემოში (თსუ-ის კლინიკური უნარ-ჩვევებისა და სიმულაციის ცენტრში, ამბულატორიებსა და საუნივერსიტეტო და აფილირებულ კლინიკებში) ზოგადი საექიმო უნარ-ჩვევებისა და კლინიკური აზროვნების ჩამოყალიბებას.

სწავლების პროცესში აქტიურად არის ჩართული პროფესორ-მასწავლებლებისა და სტუდენტებისგან შემდგარი სამუშაო ჯგუფი, ე.წ. კურიკულუმის კომიტეტი, რომელიც პერიოდულად განიხილავს როგორც მიმდინარე, ისე პროგრამის მომავალი განვითარების საკითხებს.

„ზაფხული ემორში“ და „ზამთარი ემორში“ — ასე ჰქვია ერთიანი პროგრამებს, რომელსაც თსუ და ემორის მედიცინის სკოლა სთავაზობს თსუ-ის ამერიკული პროგრამის სტუდენტებს მეორე სემესტრის დასრულებისას. ამერიკული სამედიცინო განათლებისა და ჯანდაცვის სისტემის უშუ-

თი ინსტიტუტი მნიშვნელოვან წვლილს შეიტანს ქართული სამედიცინო განათლების და სამეცნიერო კადრების მომზადების საქმეში, უპირველესად, ამერიკული პროგრამის ფარგლებში.

ჩვენს პროგრამაში ტრადიციულად იქცა „თეთრი ხალათების ცერემონია“ — ასე ეგვებათ და გზას ულოცავენ ამერიკული პროგრამის პირველსემესტრელებს არა მხოლოდ უნივერსიტეტისა და პროგრამის ადმინისტრაციის, არამედ პროგრამის მულტიმედიის მხარდამჭერები, მათ შორის, საქართველოში ამერიკის შეერთებული შტატების საელჩოს, საქართველოში ვოლტერ რიდის სამეცნიერო ცენტრის, ემორის უნივერსიტეტის წარმომადგენლები და სხვა მონვეული სტუმრები.

საქართველო, აშშ, ინდოეთი, შრი-ლანკა, არაბეთის გაერთიანებული ემირატები, ისრაელი, ბრაზილია, სამხრეთ კორეა, — ეს იმ ქვეყნების ჩამონათვალია, რომელთა წარმომადგენლებიც ჩვენი პროგრამის სტუდენტებია არიან.

გილოცავთ! თქვენ შეუერთდით უძლიერეს ჯგუფს დიდი პერსპექტივით. წარმატებით გეულოთ ამ გზაზე!

არჩილ უდილაშვილი,
დიპლომირებული მედიკოსის
ამერიკული პროგრამის
ხელმძღვანელი,
ემორის უნივერსიტეტის
საბანანათლებლო პროგრამის
დირექტორი



2017 და 2018 წელს დიპლომირებული მედიკოსის ამერიკული პროგრამის პირველი მიღების სტუდენტებმა ამერიკის შეერთებული შტატების სამედიცინო სალიცენზიო გამოცდების პირველი ეტაპი წარმატებით ჩააბარეს. პროგრამის მუშავდებ-მეთაუ სემესტრების სტუდენტებმა — ნოდარ მაისურაძემ, თამარ თამარაშვილმა, ნიკოლოზ ბოს-

როვე სწავლების მეთოდები: პრობლემაზე და შემთხვევაზე დაფუძნებული სწავლება, ასევე, მტკიცებულებებზე დაფუძნებული მედიცინის სწავლება, შემთხვევის დემონსტრაცია ავადმყოფის/სიმულაციური ავადმყოფის მონაწილეობით და სხვადასხვა პროფილის მულტიდისციპლინური გუნდის აქტიური ჩართულობით. ასეთი სახის სწავ-

საუნივერსიტეტო ცხოვრების წრისთვის



საერთაშორისო უნივერსიტეტის დაარსება

საერთაშორისო უნივერსიტეტის დაარსების დაგეგმვა და დასაბუთება საქართველოში სახელმწიფო სამედიცინო უნივერსიტეტის ერთ-ერთი მნიშვნელოვანი სტრატეგიული ერთეულია, რომლის ძირითადი მიზანია უნივერსიტეტის ინტერნაციონალიზაციის პროცესის ხელშეწყობა, რაც გულისხმობს საერთაშორისო უნივერსიტეტების განვითარებას გლობალური მასშტაბით.

სამედიცინო უნივერსიტეტში ინგლისურენოვანი საგანმანათლებლო პროგრამებს განვითარების ოცნებაში მეთი ისტორია აქვს. უცხო ქვეყნის მოქალაქეები ინგლისურ ენაზე განათლებას იღებენ: 1996 წლიდან — მედიცინის ფაკულტეტზე; 2008 წლიდან — ფიზიკური მედიცინისა და რეაბილიტაციის ფაკულტეტზე; 2013 წლიდან — ფარმაციის ფაკულტეტზე; 2017 წლიდან — სტომატოლოგიის ფაკულტეტზე; 2012 წლიდან მედიცინისა და სტომატოლოგიის ფაკულტეტებზე უცხოეთის მოქალაქეებისთვის დიპლომირებული მედიკოსის და დიპლომირებული სტომატოლოგის რუსულენოვანი პროგრამები ამოქმედდა.

ამჟამად თსუ-ში 2300-ზე მეტი უცხოელი სტუდენტი სწავლობს მსოფლიოს 68 ქვეყნიდან, მათ შორის: ინდოეთიდან, შრი-ლანკიდან, თურქეთიდან, ევროკავშირის ქვეყნებიდან, აშშ-დან, კანადაიდან, ისრაელიდან, ნიგერიიდან, ერაყიდან, ავსტრალიიდან, ცენტრალური ამერიკიდან და სხვ.

2012 წელს საზოგადოებრივი ჯანდაცვის ფაკულტეტზე გაიხსნა და აქტიურად ვითარდება საბაკალავრო პროგრამა — „საზოგადოებრივი ჯანდაცვა და მენეჯმენტი“, რომელიც ერთობლივად შემუშავდა გრენობლის (საფრანგეთი) მენეჯმენტისა და ადრსტულების აკადემიისთან (UniMan). პროგრამის დასრულების შემდეგ გაიცემა ორმაგი დიპლომი — ქართული და ფრანგული, რაც კურსდამთავრებულთა დასაქმების და სწავლის გაგრძელების არეალს აფართოებს და მიმზიდველს ხდის. 2015 წლიდან თბილისის სახელმწიფო სამედიცინო უნივერსიტეტისა და UniMan-ის ძალისხმევით, საზოგადოებრივი ჯანდაცვის ფაკულტეტზე შეიქმნა ერთობლივი სა-



ერთაშორისო ინგლისურენოვანი სამაგისტრო პროგრამა — „საზოგადოებრივი ჯანმრთელობის მენეჯმენტი და ჯანდაცვის პოლიტიკა“.

2013 წელს თბილისის სახელმწიფო სამედიცინო უნივერსიტეტში ამოქმედდა დიპლომირებული მედიკოსის ამერიკული პროგრამა, რომელიც შემუშავდა და განხორციელდა ემორის უნივერსიტეტის (აშშ, ატლანტა) მედიცინის სკოლასთან ერთად.

ტიროლის კლინიკების გაერთიანების დასავლეთის საგანმანათლებლო ცენტრ AZW-სა და თბილისის სახელმწიფო სამედიცინო უნივერსიტეტს შორის გაფორმებული ხელშეკრულების საფუძველზე, 2015 წელს ამოქმედდა საგანმანათლებლო პროგრამა ექთნებისთვის, რომელიც ქართველ ექთნებს საშუალებას აძლევს სტაჟირება გაიარონ და საერთაშორისო გამოცდილება მიიღონ ავსტრიის კლინიკებში.

თბილისის სახელმწიფო სამედიცინო უნივერსიტეტი სრულფუნქციონირებს წევრია შემდეგი საერთაშორისო ორგანიზაციებისა და ასოციაციების:

- ევროპის უნივერსიტეტთა ასოციაცია - EUA
- უნივერსიტეტთა დიდი ქარტია - magna Charta Universitatum
- სამედიცინო განათლების საერთაშორისო ასოციაცია -
- უნივერსიტეტთა პრეზიდენტების საერთაშორისო ასოციაცია (IAUP)
- ევროპის მედიკოს სტუდენტთა ასოციაცია - EMSA
- მედიკოს სტუდენტთა ასოციაციების საერთაშორისო ფედერაცია - IFMSA
- ევრაზიული აბრეშუმის გზის უნივერსიტეტების კონსორციუმი - ESRUC
- უმაღლესი სამედიცინო ინსტიტუტების და ფიზიკური განათლებისა და სპორტის ინსტიტუტების საერთაშორისო სამეცნიერო-საგანმანათლებლო ინოვაციურ-ტექნოლოგიური კონსორციუმი

თბილისის სახელმწიფო სამედიცინო უნივერსიტეტი მჭიდროდ თანამშრომლობს შემდეგი ორგანიზაციებთან:

- ჯანდაცვის მსოფლიო ორგანიზაცია - WHO
- სამედიცინო განათლების მსოფლიო ფედერაცია - WFME
- უცხოელ სამედიცინო კურსდამთავრებულთა საგანმანათლებლო კომისია - ECFMG
- ოქსფორდის აკადემიური კავშირი (ACADEMIC UNION OXFORD)
- გერმანიის აკადემიური გაცვლის სამსახური - DAAD
- ამერიკის შეერთებული შტატების საერთაშორისო განვითარების სააგენტო - USAID
- გაერთიანებული ერების ორგანიზაციის მოსახლეობის ფონდი (UNFPA)

- ქირურგთა, გასტროენტეროლოგთა და ონკოლოგთა საერთაშორისო ასოციაცია - IASGO
- ამერიკულ-ავსტრიული ფონდი/ლია სამედიცინო ინსტიტუტი - AAF/OMI
- დაავადებათა კონტროლის ცენტრები (CDC)
- ჯანდაცვის სკოლების

მინისტრაციული პერსონალი მონაწილეობს მოკლე თუ გრძელვადიან მობილობის პროგრამებში განათლების დიპლომამდელ, სამაგისტრო და სადოქტორო საფეხურებზე.

თბილისის სახელმწიფო სამედიცინო უნივერსიტეტი შეთანხმდა WHO-ის და IMED-ის საერთაშორისო დირექტორებში, რაც საშუალებას აძლევს კურსდამთავრებულებს შესაბამისი სალიცენზიო გამოცდის/სკრინინგ-ტესტის ჩაბარების შემდეგ (USMLE, PLAB, და სხვ.) დასაქმდნენ ნებისმიერ ქვეყანაში.

2012 წლიდან სამედიცინო უნივერსიტეტში წარმატებით ხორციელდება პროგრამა, რომელიც გულისხმობს აშშ-ის, ევროკავშირის ქვეყნების, დიდი ბრიტანეთის, თურქეთის, ისრაელის უნივერსიტეტების წამყვანი პროფესორების მონაწილას. ამ პროგრამის ფარგლებში 2012-2017 წლებში სამედიცინო უნივერსიტეტში უცხოელი პროფესორების 400-მდე ვიზიტი განხორციელდა. ვიზიტის ფარგლებში პროფესორებმა წაიკითხეს თემატური ლექციები საბაზისო და კლინიკური მედიცინის სხვადასხვა დარგში, ჩაატარეს კონსულტაციები და საქველმოქმედო ოპერაციები თსუ-ის საუნივერსიტეტო კლინიკებში.

საინტერესო და დინამიური საგანმანათლებლო პროგრამები, კვალიფიციური პროფე-



ასოციაცია ევროპის რეგიონში (ASPHER).

ამჟამად თსუ-ის პარტნიორია 120-ზე მეტი უნივერსიტეტი მსოფლიოს 40-ზე მეტი ქვეყნიდან; მათთან თანამშრომლობა რეგულირდება ორმხრივი ხელშეკრულებებით და/ან ერთობლივი საერთაშორისო პროექტებით (ERASMUS +, MEVLANA, HORIZON 2020).

ზემოაღნიშნული პროგრამებით ყოველწლიურად უნივერსიტეტის 300-ზე მეტი სტუდენტი, რეზიდენტი, აკადემიური და ად-

სურა, ეფექტური მენეჯმენტი, განათლებისა და საქმიანობის ინტერნაციონალიზაციის მაღალი სტანდარტი, თანამედროვე საგანმანათლებლო-კვლევითი ინფრასტრუქტურა — ეს თბილისის სახელმწიფო სამედიცინო უნივერსიტეტის საერთაშორისო ასპარეზზე მზარდი წარმატების განმსაზღვრელი პირობებია.

თინათინ კილასონია,
საერთაშორისო უნივერსიტეტის დეპარტამენტის უფროსის მოვალეობის შემსრულებელი



საუნივერსიტეტო ცხოვრების ქრონიკა



თეატრის მოყვარულებს „ჰიგია“ გელით



თბილისის სახელმწიფო სამედიცინო უნივერსიტეტი. აღნიშნულ ფესტივალზე „ჰიგიას“ წარმატებები თვალსაჩინოა და ყოველწლიურად იგი არაერთ ნომინაციაში გამარჯვებულად ცხადდება.

უნდა აღინიშნოს „ჰიგიას“ კიდევ კიდევ ერთი მნიშვნელოვანი აღიარების შესახებ — სულ რამდენიმე თვის წინ საქართველოს თეატრის კრიტიკოსთა გადამწვეტილებით მას „სახალხო თეატრის“ წოდება მიენიჭა.

ახალი სასწავლო წლიდან, თეატრის მოყვარულებს „ჰიგია“ გელით. ახალი თაობით შეესებულნი დასი, დარწმუნებულნი ვართ, კვლავ არაერთი წარმატებით გაახარებს მაცურებელს.

თბილისის სახელმწიფო სამედიცინო უნივერსიტეტის სპორტის და ხელოვნების ცენტრთან არსებული თეატრი „ჰიგია“ არსებობის 17 წელს ითვლის და მაცურებლის განსაკუთრებული სიყვარულით სარგებლობს. იგი ისევე აღაფრთოვანებს მაცურებელს ქვეყნის გარეთ, როგორც სამშობლოში: არაერთი პრემიერა, აღიარება პრესტიჟულ თეატრალურ ფესტივალებზე, მნიშვნელოვანი წარმატება უცხოეთში: 2017 წელს საერთაშორისო თეატრალურ ფესტივალზე მონაკოში, სადაც მონა-

წილობადა 40 ქვეყნის თეატრალური დასები, „ჰიგიას“ მიერ წარმოდგენილმა სპექტაკლმა დიდი შთაბეჭდილება მოახდინა მაცურებელზე და „ქეთო და კოტე“ საუკეთესო სპექტაკლად დასახელდა.

აღსანიშნავია, რომ თეატრის რეჟისორის, თსსუ-ის ასოცირებული პროფესორის, ნათია გუჯაბიძის ინიციატივით დაარსდა „მოყვარულ სტუდენტურ თეატრთა საერთაშორისო ფესტივალი „ნილაბი“, რომლის მასპინძელიც, ტრადიციულად,



პირველსაქართველო საყვარულო!

თბილისის სახელმწიფო სამედიცინო უნივერსიტეტში მოქმედებს სპორტისა და ხელოვნების ცენტრი, სადაც საშუალება გექნებათ შემოქმედებითი ნიჭი და სპორტული შესაძლებლობანი გამოავლინოთ არაერთი მიმართულებით. ფუნქციონირებს

ხელოვნების მოყვარულთათვის:

- სიმღერისა და ცეკვის სახალხო ანსამბლი,
- ქორეოგრაფიული ჯგუფი,
- ვაჟ მომღერალთა გუნდი,
- ხალხურ საკრავთა ჯგუფი,
- გოგონათა ტრადიციული მუსიკის ანსამბლი - „დეკა“,
- დრამატული თეატრი - „ჰიგია“,
- თანამედროვე სამეჯლისო ცეკვების ანსამბლი - „ვევა“,
- კლასიკური მუსიკის ჯგუფი,
- საესტრადო სიმღერის ჯგუფი.

სპორტული სექციები:

- კალათბურთი,
- ფრენბურთი (გოგონები, ვაჟები),
- მინი-ფეხბურთი,
- ჭადრაკი,
- ფუტსალი,
- ძალისმიერი სამჭიდი, მკლავჭიდი.
- მაგიდის ჩოგბურთი,

ამასთან, სტუდენტების აქტიური დასვენებისა და სპორტული ცხოვრების განუყოფელი ნაწილია უახლესი ტექნიკით აღჭურვილი ტრენაჟორების დარბაზი, ცალ-ცალკე გოგონებისა და ვაჟებისთვის.

დაინტერესებულმა სტუდენტებმა მიმართეთ თსსუ-ის სპორტისა და ხელოვნების ცენტრს, მესამე სასწავლო კორპუსი, პირველი სართული.

ტელ.: 2. 54 25 33

საუნივერსიტეტო ცხოვრების ქრონიკა



„სამედიცინო გაზეთის“ რედაქცია . მისამართი: ვაჟა-ფშაველას გამზირი №33, ოთახი №600, ტ.: 254-24-64
 რედაქტორი ლელა მუკბანიანი
 კორექტორები: მანანა ფხალაძე ტ.:555 29 98 27; დარეჯან კომლაძე ტ.:558 17 08 47 ნატო ბოლქვაძე :555 28 28 97
 ელ-ფოსტა newspaperstsmu@gmail.com